

摘藻堂四庫全書薈要

史部

欽定四庫全書薈要

史部

硃批諭旨卷二百十二上

臣紀昀詳校

詳校官編修臣繆晉

欽定四庫全書薈要卷八千一百九十二

史部

硃批諭旨卷二百十二上

硃批許容奏摺

雍正三年五月初六日陝西糧鹽道仍帶監察御

史臣許容謹

奏為奏

聞事竊臣一介庸材叨荷

殊恩畀以糧鹽重任臣於本年四月二十七日抵任受

事訖查臣衙門向例每年徵收屯糧米麥豌豆十萬餘石外官兵不敷糧料十三萬餘石草五百餘萬束例係西鳳兩府民賦內辦運省城交納道倉以供支放前任徵收糧石約計每石加耗一斗五升草每百束加耗二十束頭緒繁多弊端百出幸賴我

皇上洞悉民艱將官兵不敷糧草照例在布政司衙門折銀給散不但百姓省辦運之苦即臣亦易於料

理

皇仁浩蕩官兵均沾臣查現在徵收屯糧較往年民屯

並徵減去十分之七當此吏治澄清之時一切餽

儀應行停止第倉內辦事書辦悉係用價催覓管

倉快役并斗級人夫每日給發口糧一切心紅紙

張筆墨并家伙鋪墊等項俱用現價公買再八旗

都統噶蘭大及章京等官每月到倉關支糧草備

辦酒席各送食物以上共約需銀二千兩再臣署

內幕賓親友束修家人夫役工食竝大小家口衣食薪水約需銀三千兩臣於現在徵收屯糧內每石酌留加耗七升五合每年約得餘糧七千五百餘石約值銀五千餘兩可足前項之需照前官每石減耗七升五合下舒民力上報

君恩臣非矯廉邀譽有負

體恤深仁為此據實直陳是否允協伏惟

聖裁謹

奏

好勉為之朕原許爾可成一人物惟勿馳騫虛名懋勉  
實行方不有負期望庶隅固為官箴所首重然不可過  
於矯激即一切出納之際要須周詳酌計若槩行裁減  
至臨時束手無策則公務難以辦集矣

雍正三年六月十五日署陝西按察司事糧鹽道  
仍帶監察御史臣許容謹

奏為敬陳愚忱仰祈

睿鑒事竊查川陝為西南要地且當數年軍興之後守土各官必得才守兼長實心辦理方能仰副

宸衷查現在文官司道以下州縣以上武官副將以下遊守以上多係前督臣年羹堯就近題補未經引見臣仰荷

知遇留心察訪其中不愧職守者絕少而品行不堪阿諛逢迎者實多如甘肅巡撫胡期恒已經奉

旨革職發往河工河東運司金啟勲又奉

特旨革職拏問富平縣知縣董霑渭南縣知縣朱嘉耀  
又經督臣特疏糾叅痛快人心闔省感激他如蘭  
州布政司彭振翼四川川東道金德蔚陝西延安  
府知府李繼泰河州知州許啟盛咸寧縣知縣朱  
炯三原縣知縣劉子正南鄭縣知縣嚴世傑均屬  
年羹堯心腹奉意承顏殘害官民再如陞任糧道  
張适始而違衆獨立繼而揮金迎合串通州縣勾  
合舖戶將民屯糧草重價折收三年於茲獲利三

四十萬金通國皆知難逃

聖鑒仰祈

皇上敕下督撫將未經引

見文官廳員以上武官叅遊以上分班給咨赴部引

見其州縣守備以下就近嚴加考核奏請

聖裁再查年羹堯叅劾各官或情罪允當或事有可原

或任意喜怒聽信讒言多非本於至公并請

敕部清查原案調赴引

見則

睿照之下自無遁情普天率土更頌

皇仁於無疆矣緣係一得愚忱未便商之督撫不揣冒

昧繕摺密

奏伏惟

聖鑒謹

奏

如是毫無瞻顧秉公據實入告深為可嘉凡此皆朕意

正欲施行之事即日有旨頒降汝自得知也

同日又

奏為恭繳

硃批諭旨事臣蒙

皇上天恩調補陝省到任後因糧道一缺為積弊淵藪

隨時酌辦繕摺奏

聞蒙

恩批發

溫語勸勉跪誦之餘實切惶悚惟有益勵冰兢加意剔  
除少盡臣職於萬一耳所有原奉

硃批諭旨理合繕摺恭

繳伏惟

睿鑒謹

奏

汝但勉盡厥職朕自有鑒照

雍正四年正月十一日陝西西安按察司仍兼管

督糧道事臣許容謹

奏為恭謝

天恩事竊臣於雍正四年正月初六日接到部文奉

旨西安按察司員缺著督糧道許容補授仍兼管督糧

道事欽此臣隨恭設香案望

闕叩頭并將感謝下忱具詳督撫繕疏代

題外伏念臣才既疎庸性復愚拙仰邀

皇上特達之知兩任監司復署臬篆今又奉

特旨實授西安按察司兼管糧道

君恩高厚屢蒙不次優遷臣職靖共竊愧寸長未效惟  
有益勵冰兢勉圖報稱斷不敢一念涉私致干欺  
罔重譴至臣既蒙

聖恩補授臬司臣署日用薪水應取給於臬司養廉其

糧道并現在暫署都司徵糧耗羨臣已詳明督撫  
酌留兩倉費用外餘俱存貯以充公項為此繕摺

恭

謝伏惟

睿鑒謹

奏

覽奏知道了堅守初志毋少改移

雍正四年四月十二日陝西西安按察司仍兼管  
督糧道事臣許容謹

奏為恭繳

硃批叩謝

天恩事竊臣一介小臣荷蒙

皇上恩賜摺奏自應小心敬謹庶幾仰答萬一今二月十五日齎摺家人自京回署捧到

硃批諭旨跪誦之下知有影格一紙誤存摺內草率疎忽罪莫可追蒙我

皇上施恩格外

批飭教訓惶悚靡寧感激無地惟有時深愧悔刻自警

惕圖報

高厚殊恩耳所有

殊批理合恭

繳并陳下悃伏望

聖鑒臣不勝戰兢惕勵之至謹

奏

語云事君盡禮孟子云欲為臣盡臣道聖賢立教之意  
嚴矣近觀汝等漢人習氣於尊君親上之義甚屬藐忽  
優者僅知潔已而已劣者則更不堪過問汝初進後生

切勿蹈襲此轍朱子為有宋大儒其學以主敬為進修之本一切不離乎敬況於君父之前乎汝設時存敬字於中安得有此一誤不能端本而惟末是務遇事戰兢亦復何益思之戒之

同日又

奏為請復倉舖以廣

皇仁事竊臣接閱邸鈔見刑部尚書勵廷儀疏請刑部監內照直省州縣監倉之例將獄神堂東西分別

內外以禁輕罪人犯奉

旨飭部議行仰見我

皇上仁德育物慈祥愛民不忍輕罪之人與重囚一例

監禁

天地父母之心誠為亘古所未有也臣查直省州縣向

時原分設監舖自康熙四十五年副都御史周清

原條奏將倉舖拆毀於是州縣止有監獄而無倉

舖矣在周清原拆毀之請原令干連輕罪人犯取

保候審第州縣官每因關係大案質訊之人取保  
在外恐有疎失致案情難定遂一并收禁獄中是  
本應散羈之人以無倉之故俱受縲紲之苦殊非  
仰體

聖天子愛養元元至意臣請直省州縣仍復舊規將監  
內空間房屋另行隔斷分作倉舖如監內無空房  
即於舊時倉舖基地量為修蓋將干連待質輕犯  
散羈在內俟案定之日即行釋放其案已審明答

杖人犯俱即取保不得濫行羈候庶監倉各別罔  
固自漸空虛輕重有分干連不致濫禁於我

皇上惠鮮之仁不無小補也臣職司刑名用敢謬陳管  
見推廣

皇仁可否採擇伏候

聖裁謹

奏

爾職司提刑此事正乃專責當與督撫臣商行何必奏

請於朕

又追變鹽銀一奏殊堪嘉與之至其事甚屬可訝亦復可笑馬喀忍如此負朕乎揆之於情於理竟不敢以爾奏為信然也摺留中俟馬樸到任時詳問端的再加訪查然後有旨

雍正四年七月十六日陝西西安按察司兼管河東巡鹽御史臣許容謹

奏為恭謝

天恩竝陳下悃事竊臣一介下愚蒙我

皇上不次擢用陞授陝西按察司今又欽承

寵命兼管河東巡鹽御史

聖恩高厚圖報愈難感激微忱於受事之始當即具疏  
奏

謝外伏思河東鹽法當年羹堯更張之後一切事務

未必合宜臣自當盡心辦理少報

知遇隆恩容臣查明之後再為次第具

奏至臣日用薪水臬司任內有養廉銀五千兩可以  
敷用所有鹽臣養廉銀兩當存運庫以充公項理  
合先為

奏明伏惟

睿鑒謹

奏

勉為之馬喀當日亦曾有此一奏若將應取者具奏充  
公以示廉潔而復效馬喀分外設法巧取則不如公然

留用之為愈也前車之轍可為後鑑莫負朕恩加勉誠  
慎為要

同日又

奏為恭繳

硃批諭旨事竊臣於雍正四年四月十二日繕

奏恭繳

硃批諭旨一摺恭繳

硃批叩謝

天恩一摺請復倉鋪一摺臣家人於五月二十三日捧齋回署俱蒙

皇上硃批教訓臣跪讀之下實深惶恐伏念臣中州下士毫無知識屢邊不次之

寵榮皆賴

聖明之特擢今復荷

天語諄切

勗以主敬

誨以端本臣何人斯遭逢

聖主得受

殊恩惟有仰遵

訓旨益勵忠誠凜

天威於咫尺矢勿欺於始終以期仰報

高深於萬一耳所有原奉

硃批諭旨理合繕摺恭

繳伏惟

聖鑒謹

奏

覽奏已悉百凡處切戒恃已凌人聖人云和而不流強  
哉矯北方之強君子不居大抵天下事過與不及其失  
等耳近日馬喀之奏朕深嘉汝公直范毓馥之舉朕殊  
怪汝苛刻何則蓋馬喀溺職吏治攸關范毓馥一介商  
賈何足重輕況伊乃奉旨委用者竝非馬喀私人汝大  
誤矣疎忽不審莫此為甚倘更執迷一誤再誤則朕不

汝恕也

雍正五年三月十三日浙江布政使臣許容謹

奏為據實陳明仰祈

睿鑒事竊臣至愚極拙毫無寸長仰蒙

皇上天高地厚之恩授以浙江布政使遵

旨詣闕恭聆

聖訓周詳鏤骨銘心矢竭駑駘之力以圖報稱於本年正月十九日到任受事兢兢奉職不敢少有懈怠

臣查前任布政使佟吉圖在任兩年經手正項錢糧頭緒繁多現在逐一清理其已經報銷與現在庫貯數目大槩無甚差謬查有成造天津戰船建蓋忠孝節義祠宇二項銀兩尚未銷算臣察訪各屬不無冒領分肥情弊另行繕摺備細奏

聞至公用項下查自雍正二年起至雍正四年止共收鹽規捐納外輸馬械耗羨銀二十五萬七千五百八十餘兩前任布政使傅澤淵任內動用過銀一

千四百三十餘兩王朝恩任內動用過銀二千六百兩佟吉圖任內動用過銀一十八萬七千六百三十餘兩署司事董永艾任內動用過銀一萬一百七十餘兩俱係詳明督撫准銷有案其餘存庫銀五萬五千七百四十餘兩查無虧缺再佟吉圖離任時將伊任內盈餘銀二萬三千兩留庫詳明預備交盤案內或有應補之處俟出結清楚將此項留充地方公用經署司董永艾因佟吉圖接授

傳澤淵未完掛兌京餉銀一萬三千四百四十餘兩部文催解詳奉撫臣批示即於二萬三千兩內動補餘存銀九千五百五十餘兩造冊移交到臣俟查清交代有無歸補再行充公此司庫正雜錢糧交代之大畧也查鹽務陋規業奉裁革司庫捐納已經報滿餘存耗羨馬械二項為地方一切公事之用臣照舊收支不敢意為裁減又州縣解司錢糧每千隨解餉費銀二兩為添補每月給散八

旗餉銀折耗之需又充收各屬錢糧每千約有平  
餘銀二兩三四錢各屬解司地丁若收至二百萬  
兩可收餉費銀四千兩平餘銀五千兩二共約銀  
九千兩計一年添補旗餉折耗銀不過一千一二  
百兩所有餉費餘剩并平餘銀將及八千兩儘足  
供臣衙門一切薪水各項之用再向日陋規凡支  
放水腳工程等項銀兩俱每千扣平三四兩不等  
臣一槩俱係庫平足發不敢扣剋分釐此外再無

別項陋規臣受

恩深重不敢自欺欺

天伏惟

聖明垂鑒謹

奏

浙江撫司俱屬清苦朕向所稔悉為此前經批諭撫臣  
李衛汝等其共相籌計務得酌中數用之道切勿矯廉  
立異違負朕意未有令汝等枵腹從事之理也

同日又

奏為奏

聞南米事宜仰祈

聖鑒事竊照浙省各屬徵收南米解省支放滿漢旗營  
及織造匠糧本色米一十三萬五千餘石州縣徵  
收在倉書役口食有費運交省倉沿途盤壩雇船  
有費及收貯省倉書役口食霉黴折耗旗員陋規  
種種皆出於耗米前撫臣朱軾核定每石止許收

耗米九升以一升八合為自縣運省水脚以三升二合為省倉書役口食其餘四升為省倉折耗及旗員月規之費各縣因一升八合不敷運脚每多陽奉陰違而省倉層層需索亦復如故是以年來各屬耗米收至加三加四不等臣到任後訪查既確飭委杭州府知府孫國璽會同湖州府知府唐紹祖從長妥議前定每石九升委不敷用今議九升之外量加二升以六升為縣倉夫役口食及運

省水脚以五升為省倉夫役口食及霉黴折耗將  
各衙門一切陋規盡行革除又解省南米均需本  
色惟台金二府及紹屬之諸暨縣路遠難以運解  
向係折收銀兩赴省買米交倉因時價低昂不一  
官役從中舞弊有折至一兩八九錢二兩一二錢  
甚至二兩四五錢不等買米之外所有羨餘上下  
烹分臣以本色既難運解與其暗折侵肥不如折  
中定議臣現商撫臣酌定價值立為成規令各州

縣在省買米交倉如年豐米賤盈餘銀兩悉令解  
貯府庫留補米貴時買價之不足官民兩便庶可  
遵行再南米一項係本年徵收即供本年支放且  
各營本月之米悉係前月預支兼因夏秋停徵借  
動存漕供放冬徵南米還漕各屬徵還不足借支  
幾無定數總由州縣處分太輕且睜有米借支任  
意拖欠佟吉圖在任兩年因循悠忽並不斟酌變  
通以致款項牽混完欠難稽今查倉糧交代頭緒

將此

等處傳諭李衛奏以聞

棼如亂絲臣現在逐一窮源溯流徹底清理而目前現支兵糧因今春雨水過多又魚積玩之後一時徵比勢難接濟臣不得已商同撫臣將現買補漕之米請撥四萬石以備供支第查州縣經徵南米向係彙入地丁內

奏報一例處分以米一石算銀一兩銀米合算分數並非另行議處以致徵南還項之米自康熙五十七年起至雍正四年止共欠十萬餘石若不嚴定

處分雖添撥備放何益之有臣議嗣後經徵現年  
南米之官應照漕白糧例議處以前各年未完另  
定處分按完欠之多寡分別勸懲庶積欠可望全  
完而現年之米不致仍前拖欠矣以上事宜臣正  
在查議間又奉撫臣特飭清釐臣已逐款確議具

詳應聽撫臣酌

改

定

處分以懲拖欠

朕

以爾議為然

益李衛素有不

苛

刻

知

題

第改定處分一節

面

商撫臣以為

過嚴

臣

非不

知

之

名

故不得不為人少留地

步

耳具題到日

候降

聖

旨

占

屬員亦當體恤但處分太輕無關痛癢拖欠必至

飭改

日甚亦非慎重錢糧之意再臣與此以實好朕甚為知府孫國璽均

賞鑒

受

皇上知遇隆恩所有司府兩衙門官吏陋弊俱各盡行

剔除至旗員月規

鄂密達乃武臣中之優者凡旗

員恃

理之事言之於伊必能秉公釐正料不負朕委用

嚴行禁革理合一并奏

也聞為此繕摺密

奏

覽

同日又

奏為奏

聞事竊查浙省七十七州縣建造忠孝節義祠宇布政使佟吉圖任內發過四十一縣銀一萬一千九百三十五兩零署司事按察使董永艾任內發過十四縣銀三千八百八十三兩零此外尚有二十二州縣已經料估未曾給發臣到任時因各屬開銷太多留心察訪知此項工料上下胥吏串通浮冒

扣分十之二三當即稟明撫臣并密諭各府確查

稟報如省會之仁錢兩縣各領銀六百六十餘兩

當嚴

查者查確一一據實詳參以為貪黷者戒至於頒

賞老

人老婦之項尤多浮冒亦應設法嚴究

辦拘拏親訊兩縣各侵冒銀二百餘兩續奉撫臣

查出嘉興海寧海鹽三縣俱有侵扣行臣一併究

追臣俱發該府嚴查究審其餘領銀各縣竝行府

確查凡有侵扣統行追出歸款印官如有深指即

詳報撫臣

好

題叅至未領銀二十二州縣復行令確估必須核實

無浮方准給發報銷再成造天津大號趕艚船五  
隻小號趕艚船五隻隨船舢板船十隻佟吉圖任  
內合算共用銀二萬四千九百七十九兩零於上  
年六月內完工送往天津用過工料銀兩至今尚  
未報銷臣查此項船隻赴閩成造遠送天津一切  
物料人工往返盤費自與本省拆造戰船不同但  
核算各費浮加幾至兩倍其中不無侵冒臣亦稟

如是

明撫臣駁飭嚴加核減并詳叅造冊遲延在案統

秉公毫不瞻徇方可謂不負知遇勉之

俟核確方敢請銷均不肯扶同徇隱致長冒破之姦

也再浙省七十七州縣地方遼濶事務殷繁耳目

豈能周到臣現在具詳督撫嗣後州縣承辦工料

令各府核定價值加具如有浮冒侵蝕查出願甘

從來

有治人無治法究宜以察吏為要類此末節小術

恐未

認罪分賠印結給發承辦庶幾稍杜弊端合并繕

必能杜絕弊端也

奏伏惟

聖明睿鑒謹

奏

覽

雍正五年六月十五日浙江觀風整俗使

臣許容

謹

奏為恭謝

天恩仰請

聖訓事竊臣庸材鈍質毫無寸長仰蒙

皇上天高地厚之恩有加無已自任布政使以來涓埃未報寢食難安復荷

聖恩授為觀風整俗使責任愈重報稱愈難臣驚聞新命感戴與悚惕交深伏念浙省風俗澆漓上厯宸衷特設崇員用資彈壓我

皇上知人善任

命王國棟巡視廉訪宣布

聖主加惠兩浙之德意遂使習染日見湔除浮囂漸歸

醇厚然猶上煩

睿慮恐革面未能革心

特命微臣相繼為理臣自知才識短淺措施未能允當  
惟有仰懇

聖恩鑒臣愚拙

頒示訓旨俾臣凜遵奉行獲免隕越於以上副

皇上委任之隆恩斯得少安於寤寐耳所有應行事宜  
容臣悉心體訪另行奏

聞除接印任事日期照例恭疏

題報外為此繕摺具

奏伏祈

睿鑒謹

奏

王國棟觀風兩浙可謂盡善汝宜事事循做而行不貪  
不徇諒能企及虛己和衷恐有未逮假如膺此任者或  
與督撫掣肘或與提鎮不協則非特無益兵民翻嫌地

方上多設一官矣凡通省文武諸臣倘遇有行止乖違  
意見參差祇可據實上奏毋得私地使氣立異作威汝  
暨王國棟竝經屢承訓誨極當勉力遵奉至若袒護科  
目聽受請託稍有干涉脫至敗露朕不以尋常事例處  
分也到閩尤須秉公為之特諭

同日又

奏為備陳浙省民欠流抵之積弊以重錢糧以清交  
代事竊照倉庫錢糧各有款項那移墊應即干處

分我

皇上御極以來各省倉庫俱漸清理獨浙省尚有那墊  
流抵有名無實之懸項遞相授受輾轉接徵或經  
數任不能完結遡厥由來皆緣蠹胥滑吏朋比作  
姦吞糧侵賦始則迫官那移暫副經徵之考成迨  
經離任交盤遂有民欠之流抵而冊交欠戶盡屬  
零星按之紙上則累百盈千追之民間則強半無  
著徒存流抵之名究無徵補之實不但姦胥滑吏

愈得施其伎倆而不肖州縣於離任交代時雖本  
無那虧以有此陋弊可援必搜羅積年各項尾欠  
彙冊流交甚至花戶之短封衙役之借支一併開  
入竟將徵存在庫錢糧侵扣入索作為某項墊用  
造入交盤積習相沿何所底止臣查浙省從前有  
已經

奏銷報完各屬那銀墊漕并未完舊欠虛懸有抵銀  
七萬兩臣布政司任內已詳明督撫通飭各屬現

在確查除已完歸款外尚有未完某某項若干作何定議勒追以清懸項併請嗣後交代錢糧遵照定例凡有不係正解正支那移墊應之項悉以虧空報叅即實有民欠可抵亦應於虧空案內審明著追倘該管知府逼勒交盤許接任官據實揭報叅處庶陋弊可以永除懸項得以漸清於倉庫錢糧不無裨益業經撫臣批飭通行遵照在案事關清理錢糧理合繕摺奏

聞伏祈

聖明睿鑒謹

奏

汝浙藩一任洵屬無忝今觀整通省凡以前經手事務  
接任者料理妥協與否皆所應知無謂不在其位而遂  
膜外視之一切俱當與撫臣時加稽考而糾正之也

同日又

奏為奏請

聖裁事竊照雍正元年二年

恩詔內給賞老人老婦布絹米石其中多有浮冒開銷

仰蒙

皇上聖明洞鑒於臣前任布政使奏摺內

硃批令臣究查臣遵即細加察訪緣給散日久一時未

得其底裏商之撫臣李衛正在通行飭查間接准

部咨奉

旨著各省督撫確查又經通行竝明白開導速令自首

在案應俟撫臣查明核

題外臣查各省孤貧口糧一項原為矜恤鰥寡孤獨  
廢疾者而設是必實在無告窮民照額收養每月  
口糧印官躬親按名給散不容混冒庶足以敷布  
皇恩乃浙省各州縣並不實力奉行所有額設錢糧孤  
貧不能全沾實惠其中詭弊多端莫可究詰如嘉  
興府屬之嘉秀二縣臣聞每季俱有尅扣府縣均  
分密諭新任知府閻堯熙確查據稟原係歷來舊

弊不知始自何年近海防同知曹秉仁於去年十月署府事至今年正月離任止得過銀一百五十兩嘉興縣知縣劉德寰於去年四月到任後得過銀一百五十兩秀水縣知縣吳之珽於去年九月到任後得過銀二十五兩俱現存在庫備充公用未敢入已等語又處州府縉雲縣因有無徵荒糧即以拖欠荒糧之人頂充孤貧將孤貧口糧扣抵作收現任知縣戴世祿進京引

見署官不肯接收交代現行該府確查追補尚未覆到  
臣思此等官員均應叅處但查同知曹秉仁在浙  
多年居心雖不可問辦事頗有才情知縣戴世祿  
歷俸最深事亦練達已經撫臣保舉海疆人才實  
不易得且均係從前陋弊銀既存庫充公未曾入  
己是以未經揭叅第念發政施仁必先無告臣仰  
體

皇上軫念窮民之至意已通飭各屬嚴查清釐務期照

額收養實在無告窮民毋許缺額按月實給口糧  
毋許剋扣在案臣聞隣近之江省亦有此弊以類  
而推大抵皆然臣請

敕下直省督撫通行嚴查如有不肖州縣仍循舊轍漫  
不實力奉行即從重究叅以儆庸劣則天下之窮  
民而無告者咸得實被

皇仁嬉遊化日矣是否有當伏惟

睿鑒謹

奏

所奏孤貧一項不但外省為然即京師五城久有此弊  
朕於元年已曾降旨嚴飭次第經理自當漸及恐瑣屑  
弊端尚不止斯已耳

雍正六年正月二十六日浙江觀風整俗使臣許  
容謹

奏為恭繳

御批事竊臣仰荷

聖主殊恩畀以浙江觀風整俗重任自知才識短淺不克負荷聞

命之下即具摺恭請

訓旨嗣於閩省公寓接奉

皇上批回奏摺臣望

闕叩頭開讀敬領

聖訓仰惟

皇上知臣最深遇臣最厚反覆

訓誨加意裁成臣敢不竭盡愚誠以圖報效凡地方事  
宜悉與督臣李衛商酌辦理固不敢隨聲附和亦  
斷不敢偏執已私至袒護科目聽受請託屢蒙

皇上諄諄開導寧敢自蹈重愆惟有夙夜兢兢時刻檢

點以求仰副我  
所囑數語盡之矣但勉言行相符可耳  
皇上教育深恩所有前奉

硃批奏摺固封呈繳伏祈

睿鑒再臣自閩回浙路經所屬地方年歲豐登百姓樂

業人心咸知遷善風俗日漸還淳臣一路接見屬  
員及紳衿耆庶宣布

皇恩復加丁寧誠勉無不踴躍歡呼感激惕厲理合一  
併奏

聞上慰

聖懷為此謹

奏

欣悅覽之

雍正六年三月初二日浙江觀風整俗使臣許容  
謹

奏為奏

聞巡歷嘉湖情形事竊臣自閩回浙道經金衢嚴三府  
地方見年歲豐登百姓樂業臣一路接見官紳士  
庶宣布

聖恩復加誠勉莫不踴躍歡呼感激惕厲業經奏達  
聖聰臣開印視事後復將我

皇上加惠兩浙恩膏疊沛徧示通省竝飭各屬敬謹刊

布前後奉到

今之文告即適人以木鐸徇於路之義但須諄切宣布  
上諭務使窮鄉僻壤莫不周知臣於二月初六日出巡  
方收興感之效

嘉湖兩府所到之處士農商賈沾濡

聖澤各安本業豪強多事之風蒸蒸日上變地方頗覺寧

謐營伍亦漸整肅惟解省南糧積弊之後甫經釐

剔各縣徵收猶未能遵照上年酌定每平米一石

實完九斗之議實力奉行督臣屢經禁飭臣復留

心察訪知嘉屬石門縣知縣呂廷鑄桐鄉縣知縣  
王輅生湖屬武康縣知縣彭開宗耗米收至加三  
以外嘉屬平湖縣知縣楊克慧嘉善縣知縣邵煜  
湖屬德清縣知縣朱永齡耗米收至加二以外此  
等官員均應叅處第念省倉收放向委杭府去年  
新奉部文改歸藩司半年之內正署三易又兼新  
司彭維新過於拘謹辦事遲滯解省之米有守候  
兩月不能交倉者米船停泊河干水氣潮潤不無

凡事之論

折耗多費各縣浮收尚有可原臣商之督臣李衛  
悉應如是平情酌理區處朕嘗有公中私中公  
將各員均記大過一次經管書役重懲枷示仍將  
但願內外諸臣為私中公而不願為公中私也似  
尤甚之石門桐鄉武康三縣浮加之米酌追易穀  
此情法兩盡朕所深取者

歸入社倉以示儆惕倘不悛改再行嚴叅治罪并

將省倉收放委令候補知府喬世臣代辦以清弊

端臣已於二月二十日回署正在束裝出巡杭府

外屬適督臣李衛定於三月初四日赴嘉興乍浦

海鹽海寧等處查看各項工程面囑暫緩數日俟

暫緩方是李

衛亦

奏聞矣

其回署再往巡視理合一併奏

聞伏惟

聖明睿鑒謹

奏

覽

同日又

奏為遵

旨保舉事竊臣接到部文欽奉

上諭令內外諸臣各舉所知一人以備

國家之用臣在應舉之列謹就所知以對查原任福

建泉州府知府張無咎向為刑部司官臣在御史

任於三法司會審事件屢經共事知其為人爽直

辦事明白臣上年蒙

皇上命往福建清查倉庫住閩省四月有餘該員於捏  
結倉穀案内已叅離任而泉屬百姓愛戴情切訪  
之閩省官員僉云實有幹理之才臣不敢因其已

經緣事瞻顧不舉理合繕摺保

奏伏惟

睿鑒謹

奏

張無咎朕深知其人頗為地方民人愛戴且楊文乾亦一力保薦但據汝等所審情罪而論實屬有干國憲再四思維無可恕之道所奏知道了

雍正六年四月二十八日浙江觀風整俗使臣許

容謹

奏為奏

聞事竊臣於督臣李衛查驗工程回省後即束裝巡視  
杭屬之餘杭臨安於潛昌化新城富陽等縣地俱  
山僻民風淳朴春花茂盛蠶桑亦好黃童白叟莫  
不感沐

聖恩歡呼載道臣恭詣各學率領紳衿耆庶望  
闕叩頭行禮講讀

聖諭廣訓復宣布

皇仁提撕勸勉務期日新又新以臻一道同風之盛其  
或猶安舊習未肯悔改者當即懲治如餘杭縣文  
生夏樑盤踞倉廩慣寫詞狀臨安縣武生高鳴璫  
攔河築壩需索商民於潛縣革生盛持刀筆為生  
教唆愚民臣將夏樑咨禡究訊高鳴璫處分殊屬太輕嚴行戒飭  
盛持責懲枷號間有一二不法吏胥亦即拏處至  
各縣印官如署餘杭令馬允尚原係調簡之員才

力終覺不及其餘五縣尚未見有人地不相宜之處臣由昌化赴新城經過嚴州府屬之分水桐廬兩縣見分水令潘士錦由舉人部選到任未及一月察其言論舉動似覺不能勝任署桐廬令李宏汧由餘杭改調久病不愈難以臨民告知督臣聞

好應見相同業將李宏汧馬允尚先後會疏

題至潘士錦受事未久且觀後效臣因途中感冒

風寒遂於三月二十八日回署服藥調理半月之

深慰

朕懷

後即便平復四月二十一日復渡江出巡浙東紹  
屬由蕭山而達山陰會稽所過之處二麥豐收百  
姓樂業無異浙西三府紹興地方水土清秀人頗  
聰明涵濡

聖澤亦皆烝烝向化間有不守本分革面未能革心者  
臣訪察之下山陰縣則有革生王書倉會稽縣則  
有捐貢袁光坤監生范又新吏員單文鼎地棍賞  
日貴賞十四雖非巨惡大慙或出入衙門或包攬

詞訟或武斷鄉曲或窩藏賭博臣俱查拏交知府  
顧濟美核其情事輕重再行分別懲創再各屬保  
甲臣仰遵

聖諭不敢責其速效每到一處必飭令印官實力奉行

不得虛應故事亦不得擾累里民至民壯一項臣  
技藝既皆生疎諒多項充之人無缺二字尚不可信以  
查點額數無缺技藝俱皆生疎嚴加誡飭限三個  
為實

月另行考驗再臣三月二十六日在新城縣接到

嘉興府知府閻堯熙稟帖內稱臣三月十七日發

行該府公文內另有訪單一紙因無印信硃標一

面查拏一面將原單稟繳察核臣飛飭該府停止

拏人即將原稟發錢塘縣嚴行根究查係織造府

舊役龐桂芳包攬僧人勝峯詞訟同民人李仁甫

黃爾惟李殿臣湯瑞卿僧人超凡講定銀二百四

十兩勾通臣衙門皂隸鄔隆假寫訪拏臬僧壽先

見薇及訟師金聚臣等訪單許給送文鋪兵李斌

銀十兩將臣發行釘封文書從下頭挑開裝入供

吐鑿鑿臣思蠹棍害民法難輕縱況臣衙門職司  
糾查而鄔隆龐桂芳敢於假借作姦情更可惡臣  
商之督臣親提將鄔隆重責四十板枷號三箇月  
龐桂芳李斌各責三十五板枷號兩箇月餘犯分  
別枷責贓銀照追入官目今時值熱審枷犯例應  
暫釋第此案事雖未成姑從外結而原情擬罪實  
難寬宥龐桂芳於四月二十三日據錢塘縣報明  
病故鄔隆應仍枷示李斌亦未便即釋其餘各犯

此舉

過覽照例暫行

取保候秋涼再行補枷理合一併奏

聞臣受

恩深重圖報維艱惟有恪遵

皇上御筆圈臣奏摺數語時時留心務期言行相符斷不敢少存公中之私以仰副

皇上諄諄教誨至意為此繕摺謹

奏

所奏嘉悅覽之但能一無欺隱保爾諸凡處自皆順吉

也今命爾往閩察審禪濟布之案其中甚有曲折若非  
確秉至公而兼濟以精明無由得其實情到彼與朱綱  
悉心訊鞫不可稍涉瞻顧以及揣度迎合朕第欲得事  
之真耳別無他意將此諭亦令朱綱知之

雍正七年三月十二日蘭州巡撫臣許容謹

奏為奏

聞事臣仰蒙

皇上天恩補授甘肅巡撫遵

旨進京恭請

聖訓荷蒙

皇上鑒臣迂拙

命臣到西安將甘肅一切事宜向督臣岳鍾琪諮詢明

白再行赴任臣遵

旨於正月二十九日到西安詢據督臣岳鍾琪云目前  
事務首重軍需所有採買糧草馬羸等項係委布  
政司孔毓璞涼莊道殷邦翰驛傳道趙挺元公同

料理官員有剋扣侵冒者已經糾叅嚴處現在各

官亦知畏懼但書役糧頭人等仍恐不免侵漁等

軍需

自屬緊要但此番限期並非促迫可以從容辦理

汝等

督撫大員果肯殫心區畫勤於查核公於勸懲則

斷不

致貽累百姓亦可無遲延之慮也勉為之

緒糧料草束更屬有餘無煩

聖懷督臣岳鍾琪又云寧夏新渠地方奉

旨招民二萬戶係交陝甘兩撫分辨到時即當料理臣

抵蘭之日查問情形知附近寧夏人民仰蒙

聖恩頒給籽種牛具蓋房銀兩俱各踴躍爭先現據部  
臣佟智等咨稱正月以來報墾者已有六千戶其  
餘接踵而至等語臣以時屆春耕新集之民亟須  
安插飭令布政司孔毓璞將撥解到山西銀七萬  
五千兩內委官押解七萬兩交寧夏道府及時料  
理俾得早沾實惠無悞耕作其餘應招之戶陝甘  
兩省作何分辦現在酌議舉行督臣岳鍾琪又云  
河西各官辦差勞苦蒙

皇上軫念令照陝省之例增給養廉奉

旨已經四月孔毓璞尚未議妥等語臣到蘭查詢總由  
耗羨不足之故查河西道府同知通判州縣衛所  
共三十九員照陝省應給養廉銀四萬四千餘兩  
今照河西額徵銀糧耗羨除扣存社倉外其餘全  
數估算計銀一千餘兩糧四萬餘石再加每年稅  
羨銀二萬餘兩約計可以敷用但查通省尚有萬  
不可少之公費每年需銀二萬餘兩向於通省耗

羨內支給今河西耗羨儘給各官勢不得不取給  
於河東臣又查河東各官經前撫臣石文焯酌派  
養廉原係因陋就簡多寡不均有一千餘兩者亦有  
僅存二三百兩者現今河東各官仰見

天恩浩蕩不無均沾之想臣就河東計算官員多於河  
西共需養廉銀五萬二千餘兩照河東額徵銀糧  
耗羨除扣存社倉外其餘全數估算止有銀二萬  
九千餘兩糧二萬餘石再加河東稅羨每年止有

一千餘兩約計尚不敷銀一萬一二千兩而通省  
必不可少之公費更無出處臣令孔毓璞逐加細  
查收茶各官每年向有規禮銀五千餘兩管鹽通  
判每年向有規禮銀一千兩既議養廉俱應歸公  
再各屬當商亦有地方官規禮均應查明確數統  
歸公用此外不敷容臣咨商督臣或者仰邀

聖恩在於西安公費銀內撥補統俟督臣請

汝等斟酌妥協具奏以聞

旨遵行督臣岳鍾琪又云甘省官員疲玩已極須得整

理等語臣入境後沿途接見各官并留心體訪道府以下才堪辦事者不過數員其餘或初任書生不諳吏治或才具平庸難稱厥職兼之疲玩怠惰相習成風誠如督臣所云臣仰遵

聖訓自當反覆開導加意裁成苟有一節之長必不負皇上作養人才之意倘或教無可施斷難姑容亦不敢是

苟且因循致令貽誤地方惟是分到試用人員俱已委署不但缺出無可遴選即現在各屬軍需委

查協辦亦無員差遣合無仰額

聖恩於科道部屬內揀選道府三四員再於候選候補

據岳

鍾琪亦

曾奏請

但克勝

府道之

任者

頗屬

乏員

俟

揀選

得人

時陸

續發

往

敕部分

發來甘

以備

委用

再查

甘省

雜職

等官

已選

未

到者十一員出缺未選者八員當此轉差之際微

員亦屬緊要竝祈

皇上敕部查照施行所有臣路過西安與督臣岳鍾琪

商辦事件理合一併奏

聞伏惟

睿鑒謹

奏

覽

同日又

奏為奏

聞事臣查甘省年歲豐收人民樂業久在

聖鑒臣到蘭後查問地方情形雖正在預備軍需無不

踴躍趨事目今正當種麥之時各屬得過雪雨分寸深淺不一現在俱各播種三月內再得時雨即可預期豐稔臣恐上廛

聖懷理合奏

聞謹

奏

覽奏甘省農民現在播種情形知道了但能懋修職業有以感召

天和自蒙休徵下應誠敬為之此心絲毫不可少肆

同日又

奏為甘省奏銷久違定限亟宜清查以杜弊端事臣查定例每年錢糧至次年五月奏銷直省遵行已久惟甘省自雍正三年至雍正六年均未奏銷在經徵督徵各官歷年總無處分自必催科日怠其中更有捏完為欠那新掩舊種種情弊皆由此起查從前奏銷歷任巡撫布政司俱以軍需為辭延

能如

此居心阿事揆時日思軍需與地方錢糧各有款項毫不干

涉何敢因循舊習漫無稽查一面嚴飭布政司孔

毓璞將作何次第奏銷之處詳覆到日另疏

題明勒限嚴催完結臣謹先行奏

聞伏惟

睿鑒謹

奏

錢糧實乃專責必奏銷改歸定限方得杜弊要領此奏

甚屬可嘉

同日又

奏為

奏明事臣查定例凡屬官被上司非理凌虐許其訐告原以通下情而存公道立法至當但必有凌虐實跡竝事有相關勢有難已然後可以顯行詳揭今臣查甘省自上年六月至今屬官揭上司者四案其所揭事款雖未必盡屬虛誣亦有懷挾嫌怨

撫拾風聞肆行訐告者臣思此等事件督撫不據  
揭

題叅即係朦蔽且於定例有違若遽行叅

奏一併解任則懷私挾詐之風從此漸長恐至挾制  
上官莫敢如何殊非我

皇上蕩平正直整飭官方之意臣請嗣後凡有屬員詳  
揭上司者臣即繕摺先行奏

聞一面遴委賢員秉公確查俟查審得實再行

題叅倘臣敢袒護上官以致微員冤抑不能上達  
皇上明見萬里一有訪查臣甘加倍治罪理合預為  
奏明伏惟

聖鑒謹

奏

屬官詳揭上司例應題叅不應摺奏違例之舉未免滋  
生物議仍照舊為是倘至審虛時嚴加反坐則可或賢  
員偶被庸劣屬官詳揭一面題叅一面具摺聲明亦可

大抵用人一節要在秉心公正隨事隨人逐一留意甄別剖斷是非耳若云先定不偏不倚之成憲創設有利無弊之科條無是理也至化道於未事之前防禁於將然之際又在汝等膺統率之任者預有以隨時調劑也蓋國家用人激濁揚清進賢退不肖此為最難御下苦衷朕惟自知仰荷

上蒼照徹耳庸碌之流烏足以知之

同日又

奏為

奏明事臣仰邀

皇上知遇畀以封疆重任惟思潔已率屬無論事之鉅

果能盡斯一語可保悉妥協矣但大小臣工

惟此

細不敢絲毫隱瞞

臣衙門向有養廉銀一萬一

千九百餘兩係屬茶規又有親丁馬糧四十五分

內分給臣衙門筆帖式十五分尚有糧三十分歲

支銀七百五十兩糧料四百五十石臣初到蘭署一

切用度未能知其詳細今約畧計算每年齎摺進

京往返路費竝臣衙門心紅紙張本摺箱匣及本  
標城守三營考驗犒賞幕賓束修家人工食約需  
銀七千三四百兩尚餘銀五千餘兩并所有糧料  
為一切薪水日用之費臣遵循舊規辦理不敢妄  
議裁減理合

奏明伏惟

聖鑒謹

奏

覽奏知道了

雍正七年四月十五日蘭州巡撫

臣許容謹

奏為奏

聞事竊臣職任封疆首先察吏到任後因見甘省官員  
疲玩成習即經摺

奏并請揀選人員

命往以備委用其有敗檢不法如隆德縣知縣劉光碧  
玩愒不堪如安化縣知縣張克寬當即繕疏

題叅外其餘同知通判州縣等官尚未能周知賢否  
容臣細加訪查再當據實陳

奏至司道府等官原屬地方大員責任更重謹就臣  
一時見聞所及另摺開列恭呈

皇上睿覽謹

奏

汝到任未久如許屬員何乃評品若是之速觀汝資質  
未具有知人卓識不可以所開列遂為準則其再加詳

審據事考覈然後奏聞前於陛辭時保奏何廷圭王全  
臣帶往甘肅諒係相識有素然未免推許太過二人中  
如何廷圭者更為國法之所難容況伊等在甘年久恩  
怨滿懷若聽其蠱惑之言以為棄取徇其一偏之見以  
為興革恐將來貽害於汝之身家性命不淺也慎之

同日又

奏為請

旨事竊查藩庫錢糧係臣專責臣到任後查甘省自雍

正三年至雍正六年俱未奏銷地方官竝無考成  
催徵日怠其中或有侵那捏飾情弊一時亦難查  
核是以繕摺

奏明一面嚴飭布政司勒限銷算今據布政使孔毓  
璞詳稱甘省每年額徵銀二十一萬二千餘兩向  
來估撥兵餉止在本省酌撥數萬兩其餘俱在外  
省協解自雍正三年至雍正六年奉部將本省額  
徵銀兩照數全充兵餉因民間輸納不能歲內全

完前司及本司俱有墊支之項除各年未完銀兩  
漸次報完外其雍正六年額徵銀二十一萬二千  
餘兩止徵完銀一十四萬四千餘兩尚有未完銀  
六萬八千餘兩民力實有不齊萬難追比全完已  
將朋合小建銀兩照數墊支呈請具

題在於外省撥解補項以便造冊報銷并稱雍正七  
年兵餉並未撥有本省額徵將來可免借墊等情  
前來臣查雍正六年額徵銀兩既經奉部撥充本

年兵餉自應竭力催徵以副供支即或民力不齊  
歲內不能全完亦當預將不敷之數約估詳請

題達仰額

聖恩今孔毓璞既不催徵於前復不詳明於後擅將存  
庫朋合等項銀六萬八千餘兩那墊供支已經半  
載及臣嚴催奏銷始為詳報則那移之咎自應照  
例

題叅但甘省地當邊塞每年額徵錢糧遲至歲外尚

未全完而兵餉例係按季關支不得不為墊放孔  
毓璞那移情由原非虛飾理合據實

奏明可否仰邀

皇上天恩將孔毓璞那移銀兩勒限一年催徵補項倘  
逾限不完再行嚴叅著追事關通省大員臣未敢  
擅便謹先繕摺請

旨伏祈

睿鑒批示臣欽遵具

題為此謹

奏

似此移東掩西非弊而何孔毓璞受朕格外恩擢豈可  
踵行陋習速令催徵補項倘至逾限不完嚴叅重處將  
朕此諭亦令伊知之地方上果有不得已情故何妨據  
實摺奏及或咨部請示而乃擅自那墊供支以啟作弊  
之端嗣後切須永戒

同日又

奏為奏請

睿裁事竊查民壯一役原為防護地方而設州縣各官  
自宜實力奉行不但工食不容侵冒操練亦須純  
熟方收實用臣到任後據署鞏昌府事候補知府  
徐洹瀛查出所屬十七州縣民壯處處缺額自雍  
正二年起至今止州縣各官共計侵冒工食銀三  
千九百餘兩詳揭到臣臣思一府如此通省可知  
現在行令布按兩司一併清查揭報第就鞏昌一

府而論已有州縣官十餘員若再於別府查出則  
叅劾必多甘省正在需員之際既不敢姑息容姦  
又未便槩行叅

奏臣再四躊躇可否仰邀

聖恩准照侵扣老婦銀兩之例許其自首則事皆核實  
而自新有路均沐

天恩於格外矣謹繕摺請

旨伏祈

皇上批示遵行謹

奏

此事既經奏聞汝不難措置矣將自首充補者免其叅處仍然侵冒者糾劾示懲但須確查而已何庸再四躊躇耶

同日又

奏為奏

聞事臣查固原地方拏獲妖言匪棍馬忠一案臣到蘭

時已經督臣岳鍾琪提赴西安質審前經

奏明嗣於秦州地方拏獲馬忠妻女經平涼府知府  
李桐訊供其所供各情由俱與馬忠前供互異其  
中虛實應聽岳鍾琪審明具

奏又據寧夏鎮臣郭成功咨報於寧城清涼寺內拏  
獲匪類馬三陳大哥赫大哥三名在行李內搜出  
紅紙硃筆標判寧夏都統封條二十張硃筆路票  
一張又續獲馬國昌一名臣閱其來文竟似馬忠

案內匪黨嗣經寧朔縣知縣李鉉詳報所審各情節又竝未供有馬忠之事臣令按察使李世倬嚴審如有與馬忠一案干涉之處一併解交西安質審理合

奏明伏祈

皇上睿鑒謹

奏

所轄境內凡遇類斯事件切勿涉於疎慢平時尤當留

心訪察一有發覺即行推勘務究根株封疆大吏若能如是精明搜剔則匪類無由施其伎倆地方上何至釀成患害耶惟此一節最為緊要勉力為之

同日又

奏為恭

奏甘省雨水情形事竊查甘省雖風高土厚半屬水田多資河渠其餘旱田得雨早者先為種麥得雨遲者即種秋禾緣夏秋不能兼種是以歲僅一收

臣飭令各屬將雨水情形不時具報今據陸續報到查涼州甘州西寧寧夏四府并肅州一廳今春瑞雪均沾土膏滋潤且現在河水流通足資灌溉所種豆麥俱已滋長秋田在五月半前始為種完再得時雨即屬豐年又臨洮鞏昌平涼慶陽四府并直隸秦階二州內有所屬廳州縣衛三十六處今春得過雪雨三四次至七八次不等豆麥現在發長惟蘭州金縣安定會寧四處雨澤缺少靖遠

一處至今尚未得雨若四月內得雨則已種之麥  
可以發長并於秋禾無誤謹將各情形再為

奏明伏祈

皇上睿鑒謹

奏

汝等大吏涖政臨民有以感召

天和方可冀雨暘時若禾麥豐登之慶也勉之

雍正七年五月初六日蘭州巡撫臣許容謹

奏為恭報時雨仰慰

聖懷事竊查甘省風高土厚向來雨澤艱難四月半後

望雨更愆臣恭率在城文武紳衿耆庶并通飭各

屬齋戒沐浴虔誠步禱先據西寧府并臨洮府屬

之狄道等縣鞏昌府屬之隴西等縣直隸階秦等

州先後報到除從前陸續得過雨澤外四月二十

七八兩日又得時雨二三四寸不等今於五月初

三日丑時起甘霖大沛直至初四日子時止臣遣

騎四處查看所有望雨最急之蘭州金縣安定會  
寧靖遠等處各得雨三四寸五六寸至八九寸不  
等夏田立見茂盛秋禾俱可布種豐收有望四野  
歡呼其餘各屬去蘭較遠行查未到理合繕摺具  
奏伏祈

皇上睿鑒謹

奏

此番雨澤未必止係步禱之力乃忠誠所感耳但能勉

竭忠誠即勿事儀文亦必蒙昭格之應也

同日又

奏為奏請

聖裁事竊查各省

命往人員俱係一面委署一面具

題試用一年限滿果能稱職再請實授惟甘省委署  
俱未

題報且係隨到隨委不暇選擇以致人地多不相宜

銜缺未盡相當伏念我

謬解朕意矣引見之際數奏以言不過畧加甄別總在皇上策勵羣材慎重民牧每於月官引

汝等明試以功方可定其優劣耳見之時必量其才具之長短地方之難易斟酌試用務

收得人實效臣才識魯鈍人員接見之始自難遽

定賢否然察其言論觀其舉止亦可畧得大槩欲

將現在委署未經

題報各員商同督臣暨司道等因才改委但一經更張必有去取現今甘省之員且各有承辦軍需不

得不暫緩時日應俟軍需稍定人員分到再行逐一甄別量才授缺併照各省之例統為

題明嗣後試用人員仍請酌量人缺具

題委署在臣等鄭重其事自當加意衡才而各員名

登

御覽亦必共相鼓勵矣是否有當伏候

聖裁為此謹

奏

果能公勤察吏題報與否皆可假若少涉於私即題明  
委署豈遂免冒濫之弊乎以此為鄭重其事可謂舍本  
而逐末以此期共相鼓勵徒見有名而無實且此乃循  
例之舉無闕衡才藻鑑何必如是鋪張其詞耶  
朕非言不應題委也又莫錯會

同日又

奏為地方整理需人冒昧陳

奏仰祈

聖鑒事竊有崇信縣知縣王庭蘭庇盜庇窩貽害地方  
流毒鄰省臣查察得實當經特疏

題叅外伏查崇信一縣地處山僻所屬村堡姦回聚  
居為盜為窩勾通該縣吏役固結隱庇牢不可破  
竟成盜賊淵藪必得強幹之員加意整刷方可杜  
絕根株安輯良善但現今委署乏人即將來新到  
之員尚須試看人缺果否相宜一時亦難遽信查  
有原任鎮番縣知縣杜振宜因與甘山道岳禮互

許經前撫臣莽鵠立

題叅革職臣奉

命至陝即聞杜振宜為河西能員抵蘭之後細加訪察  
伊在鎮番并歷署武威張掖等縣俱有聲名頗見  
風力復查與岳禮互許原係同日詳到前撫臣莽  
鵠立將杜振宜叅革提審將岳禮留任質問其偏  
私之處久在

皇上明鑒之中嗣經布政使孔毓璞承審此案所有岳

禮原揭杜振宜荒蕪藉田不但並未荒蕪且收穫糧石多於往年其短發馬夫工價查有空缺銀三十兩糧四十餘石係貼補西寧安塘馬夫事屬因公亦未侵蝕入己而岳禮短發豆價等項確有證據岳禮自知不能倖免乃以孔毓璞徧袒詳揭經署撫臣張廷棟改委按察使李世倬承審以致此案尚未

題結又莽鵠立續叅杜振宜虧空草十餘萬束銀二

百餘兩當經涼州府查明原係實貯並無虧空是  
杜振宜於此二案均無大過雖該員居心操守未  
能確有所見而才堪辦事實係衆口同聲若令整  
頓地方必有一番振作但係革職之員緣事未結  
不敢越例保

題可否仰邀

皇上特恩將杜振宜署理崇信縣知縣効力贖罪如果  
稽查得法盜息民安再行

題請實授倘有敗檢越閑并致貽誤地方仍當據實  
嚴叅加倍治罪臣為地方需人起見不揣冒昧繕  
摺陳

奏伏祈

皇上睿鑒施行謹

奏

用人一節朕實信汝不及秉公察訪尚恐識見有時不  
明況一味偏私任情愛憎舉錯安足為準以薦何廷圭

叅殷邦翰二事揆之其餘不問可知即如杜振宜此奏  
汝既未能深知灼見其居心操守則於伊根本處毫無  
確據胡為如是破格薦揚朕殊不解若第以衆口同聲  
一語遂爾決定不疑將許容之目置於何地持此以往  
則是大開屬員奔競之門寧有底止耶且衆口同聲俱  
未曾保其居心操守縱才堪辦事亦屬才勝德之小人  
明矣乃不待案件完結而汲汲保奏之必待其敗檢踰  
閑貽誤地方又從而叅處之何孟浪輕率至於此極為

地方需人之道殆不若是也杜振宜前案倘審理少有不公朕必另簡大員覆加訊鞫將此諭與孔毓璞李世倬承審各員併觀之

同日又

奏為奏

聞事竊查軍需關係重大臣駐劄蘭州與督臣岳鍾琪相距甚遠諸事不獲面商倘意見稍不盡一承辦官即無所適從是以一切事宜總聽督臣主持斷

不肯畧有掣肘致煩

聖懷惟有竭力催趲盡心查察以期事無稽遲民沾實  
惠再臣接准部文奉

旨駐涼滿兵一千名令臣將涼州向有營房修理應用  
當據涼莊道殷邦翰稟稱出口大兵在涼養馬已  
將營房修理完備俟大兵起身後或有應行粘補  
之處現今無庸修整等語臣查殷邦翰已經督臣  
派委督運出口即飭令現赴甘涼督辦軍需之平

慶道趙泉楠就近料理自必無誤理合一併奏

聞伏惟

睿鑒謹

奏

辦理軍需之責朕原專畀岳鍾琪一人汝等職司應付  
胡可掣肘倘致稽遲自罹叅處耳於人何與此奏殊屬  
謬誤大兵出口後則干係全在汝矣身家性命所關敬  
慎為之稍有不協莫冀如綽竒括爾金何廷圭尚獲苟

延歲月也

同日又

奏為

奏明事竊臣衙門有幕友沈見山係浙江杭州府人  
在陝有年從前曾在原任按察使李元英處作幕  
本年三月內奉

旨查審李元英款蹟據布政使孔毓璞詳報李元英於  
雍正五年署藩司時有書辦趙益正漏造冊籍已

經回明李元英准其改正伊内幕魯薦梅指留不

發趙益正送銀一百兩始行發出等語當飭按察

使李世倬嚴拏審擬嗣據李世倬稟稱據魯薦梅

供伊止得銀四十兩其餘六十兩轉送與沈見山

等語臣當將沈見山飭發嚴審後據李世倬稟稱

已經當堂質訊沈見山原管臬司衙門事件並未

經理錢糧冊籍實無得銀情事對簿之下魯薦梅

已將獨得銀兩原圖贓少罪輕混供推卸各實情

直吐不諱質訊書辦趙益正等僉稱前項銀兩係  
親交魯薦梅現有劉鼎見證其冊籍原係魯薦梅  
經管等語臣恐李世倬或因沈見山在臣衙門不  
無瞻顧復委涼莊殷邦翰會審并提李元英到  
案三面對質各犯堅供如前與沈見山實無干涉  
但現係臣衙門辦事幕友事涉嫌疑相應據實  
奏明伏祈

皇上睿鑒謹

奏

朕觀此事兩司大有瞻徇景況亟當推究實情以申功  
令何故因一細人玷汝官箴莫謂曾奏過三字即能免  
人議論也將此諭亦與兩司看

雍正七年五月十八日蘭州巡撫臣許容謹  
奏為請

旨事雍正七年五月十七日臣准部文奉

上諭肅州辦理軍需更關緊要署督查郎阿相隔路遠

巡撫許容又屬新任著湖北巡撫馬會伯前往肅州  
辦理軍需一切與督撫等公同計議而行即帶管肅  
州總兵印務甚為妥便欽此仰見我

皇上睿慮周詳無微不至但念臣荷蒙

聖主知遇現在身任地方所有軍需事務督臣岳鍾琪  
早為經理臣不能少分微勞將來大兵由肅出口

事務殷繁岳鍾琪既有領兵專責馬會伯亦屬新  
來臣若仍坐蘭州不往相幫料理實覺寤寐難安

理合繕摺請

旨伏乞

天恩垂鑒准臣前赴肅州協力供辦俟大兵起程後再行回蘭料理地方事務臣謹候

旨遵行為此謹

奏

此奏是殊屬可嘉一面起程赴肅共相商辦一面照例題明可也

雍正七年六月初六日蘭州巡撫臣許容謹

奏為請

旨事竊查甘省雍正三年奏銷內有存庫銀三百六萬  
餘兩據布政使孔毓璞詳稱俱經歷任藩司墊用  
現無存貯毋容盤查保題等語臣查此等墊項俱  
係十數年遷延未清之款若再不徹底清查將來  
愈難歸著臣前已

題明請限一年令布政使造冊銷算聽候部議今於

五月二十七日接准部文西寧一路軍需用過錢糧蒙

皇上特遣侍郎劉於義按察使葛森前來清查銷算等因欽遵在案合無仰懇

天恩俯念藩庫墊項繁多

敕諭劉於義等同臣逐一核算應開銷者開銷應查追者查追庶積年懸項各得歸結藩庫錢糧從此清楚實有裨益謹繕摺請

旨伏祈

睿鑒施行謹

奏

此項庫帑係汝撫任專責業經題請展限有旨允准何  
可推諉欽差以圖自便也

同日又

奏為恭繳

硃批奏摺事竊臣於本年六月初三日恭接

皇上硃批臣奏司道各官賢否一摺仰蒙

聖恩訓誨周詳臣跪讀之下惶悚無地伏念臣才庸識

淺遇事粗率蒙我

皇上天地洪恩裁成矜全洊歷封疆重任受

恩愈深圖報日切自到甘肅以來急欲體察吏治而狃  
於淺見遂以一時之評品冒瀆

聖聰臣繕摺拜發後接到臣前次奏摺內欽奉

皇上硃批御下苦衷朕惟自知仰荷

上蒼照徹耳仰見

聖明天縱尚且其難其慎臣何人斯遽敢以兩月之內  
定人賢否今荷

皇上明白開示益覺爽然若失至何廷圭王全臣二人  
臣前任府谷縣知縣調赴軍前辦差口外原曾認  
識見其頗能料理軍需一時愚昧妄為奏請當蒙  
聖訓凜凜於中若再受其蠱惑愚弄不但自貽身家性  
命之累且負我

皇上生成教育之恩臣斷不敢出此惟有恪遵

訓旨愈加儆惕無欺無隱以圖報稱其布政使孔毓璞

那移庫項一摺所奉

硃批併欽遵傳知勒限催補外所有臣奉到

硃批奏摺理合恭

繳伏惟

聖鑒謹

奏

平治天下祇斯用人一事凡為督撫者能秉公察吏甄別賢不肖俾屬員既畏且感始可謂無忝封疆之任不此是務而欲以一己之才智駕馭羣僚萬不可得也勉之悅服之道無他惟正己率人屏除恩怨久之未有不傾心歸嚮者

雍正七年七月初四日蘭州巡撫臣許容謹  
奏為恭繳

硃批奏摺事竊臣家人捧齋臣先後奏摺回署俱荷

皇上批飭教訓詳加開導跪讀之下惶愧無地伏念臣  
仰邀

聖主知遇畀以封疆重任識見既已淺陋遇事又多粗  
疎錯謬多端隕越是懼蒙我

皇上不即擯斥多方裁成即使竭盡駑駘亦難仰答  
高厚惟有恪遵

訓旨時時儆惕少贖前愆於萬一耳所有保舉杜振宜  
一摺奏明臣幕友沈見山一摺俱已遵

旨令布政使孔毓璞按察使李世倬觀看并令秉公察  
審外謹將臣奉到

硃批奏摺繕摺恭繳伏祈

皇上睿鑒謹

奏

覽奏俱悉知非改過非大聰明具超卓識見者不能必  
將訓誡之辭反覆思維心悅誠服翻然愧悔實力悛除  
而後自新之路日闢知遇之恩克全矣若泛泛以稍贖

前愆之萬一等數語謂已恪遵殊與朕諄諄玉成之意  
相左也

雍正七年閏七月初九日蘭州巡撫臣許容謹

奏為奏

聞事竊臣於七月十五日自蘭州起程挨站查催軍需  
於二十一日到涼州府城大將軍岳鍾琪先到一  
日湖北撫臣馬會伯亦於二十二日到涼所有涼  
州府承辦之驢騾車輛口糧米麵駝屨苫氈繩索

等項俱已完備。公同商議。岳鍾琪暫駐涼州。分派兵馬。臣先赴甘州。查催軍需馬會伯前往肅州。駐劄料理。統於閏七月十五日前後到肅。臣隨由涼屬之武威永昌甘屬之山丹。逐縣清查催辦。二十八日到甘州。所有甘州府置備各項軍需。亦俱齊全。於閏七月初七日。由甘屬之張掖。查催前往。不日即可到肅。臣查涼甘肅一路軍需。大將軍臣岳鍾琪仰遵。

皇上訓旨料理得宜官吏不敢侵扣兵民俱沾實惠人

人踴躍即沿途養馬候示出口之官兵亦皆恪守

大兵

出口之後一切清理稽覈均係汝等之責朕實不

法紀公買公賣並無絲毫紛擾再查各處夏田涼

敢保

其必能妥洽須奏銷後方可定論耳

屬之平番古浪肅屬之高臺收成八九分十分不

等涼屬之永昌鎮番甘屬之山丹收成俱有六七

分涼屬之武威收成八分九分不等甘屬之張掖

近城周圍約二十里名為下六渠地土瘠薄今年

山水到渠稍遲下雨亦晚收成三四分五分不等

深慰

朕懷

而遠鄉地畝泉流不竭收成有六七分者有八九分者統計張掖一縣仍在六分以上至各屬秋禾俱極茂盛米糧價平民情安帖臣查張掖每年額徵糧七萬餘石近城各渠應納糧一萬餘石正在採辦軍需即值開倉徵收臣仰體

皇上愛養邊氓至意飭令該縣按下六渠收穫之厚薄分別暫為寬緩俟秋禾登場後再行上緊催徵再查肅州前於七月初十日臨城河北黃草等壩落

雖邊有冰雹傷損田苗又因猛雨水發衝塌民間土房  
方每有之事要當加意撫恤毋得草率塞責  
一百餘間臣於途間接到報文當即批飭肅州道  
齊式查勘料理臣到肅時即當親驗確實加意撫  
恤酌量給賞仰慰

聖懷至於沿途塘汛地當極邊大兵出口之後防範更  
宜嚴密將備各官半係新委署理守汛兵丁多不  
能照派定之數朝夕在塘臣仰遵

訓旨和衷辦理已將臣所見聞面商提鎮囑其訓練稽

如此方是  
查更祈  
飭令嚴加查懲

聖恩申諭自必益加儆惕於地方實有裨益矣所有臣  
沿途親歷情形理合繕摺奏

聞伏惟

聖鑒謹

奏

覽

雍正七年九月十五日蘭州巡撫臣許容謹

奏為奏明事竊查西路軍需經寧遠大將軍臣岳鍾琪辦理妥協俱已齊備陸續出口再督臣衙門筆帖式奇書等在寧夏口外牧放駝隻解送甘涼內有挑存疲瘦不能馱載者八千餘隻又原任布政使諾穆渾等在西寧口外牧放駝隻內挑存疲瘦駝三百餘隻俱經大將軍臣岳鍾琪檄令留廠牧放俟收槽時動用軍需銀兩採買草料飼餵臙壯明春馱糧出口現在酌議分發餵養臣於九月初

八日行至莊浪迎見將軍臣常色禮領兵前來紀  
律嚴明按站下營並不住宿民房臣將應支糧料  
草束與常色禮逐一面議照依西安寧夏之例半  
給本色其餘一半遵照部價折給和衷商辦意見  
相符惟常色禮云甘涼地方採辦各項軍需誠恐  
出產無多如將來價值昂貴另行妥議  
奏請等語應俟果有昂貴之時再為奏

好  
聞請

旨所有甘涼一路軍需情形理合奏

聞再查肅州於七月間落有冰雹經臣

奏明在案後臣抵肅查看所打田禾甚屬有限今歲

夏秋成熟百姓十分安堵至衝塌房屋查係肅州

道衙門左近多年土房因驟雨泡塌已經肅州道

齊式安頓撫恤修理整固再甘屬秋禾收成現在

行令各府州查取確實分數俟到齊分晰

前已有諭

奏報臣查大勢情形約有六七分八九分十分不等

其臨洮所屬之蘭州鞏昌所屬之靖遠歷來雨水  
稀少今歲仰賴

皇上聖德格

天收穫豐稔難計分數為一二十年來所未有合先

奏明仰慰

聖懷為此謹

奏

覽甘肅秋禾收穫情形朕懷深慰將來雨暘豐歉全賴

汝有以仰邀

天恩之錫佑耳竭力勉之然必數政臨民無慚衾影休徵之應乃可預期非徒恃設壇建醮籲禱虛儀遂謂能盡祈求之道也感應之理慎勿謬解

同日又

奏為恭繳

硃批事竊臣家人及臣標員弁捧齋臣先後奏摺回至甘省俱荷

殊批臣謹叩接跪讀訖伏念臣至微至賤仰邀

皇上天恩不次擢用洊任封疆自恨識見淺陋才具庸

下歷任之內過愆多端荷蒙

聖恩鑒臣愚拙格外矜全且每遇一事

訓導詳明

指示愷切欲使葑菲微材有所成就人非木石能不感

朕所以信用汝者正取此向上之志但慮科甲瞻顧之習不除友朋恩怨

激思奮爭自濯磨況臣才固謏劣志實向上受

之情不脫耳

恩日重傲懼益深臣父年近八旬惟恐臣多過舉遠來

中公

臣私署無時無刻

不以兩盡上報

特賜汝

父物件數種以示朕優恤之意

聖主隆恩懃懇誠勉臣若不屏絕私衷虛懷體認徒執

一己之偏見罔顧事理之攸宜則上負

君恩為不忠下貽親憂為不孝臣質雖下愚寧甘暴棄

若此自今以後惟有凜遵

聖訓以實力實行四字銘刻於中以期無負

皇上諄諄玉成之意耳所有先後奉到

硃批奏摺理合恭繳謹

奏

奮勉自勵為一當代人物名標青史寧不美歟不望汝  
企及上古名臣但能效法鄂爾泰田文鏡之居心行事  
斯亦可矣

雍正七年十一月二十日蘭州巡撫臣許容謹  
奏為恭謝

天恩事本年十一月十一日齋摺家人回蘭捧到

御賜臣父臣許士正人參二斤貂皮二十張寧絀二疋

臣父臣士正率臣容跪迎進署恭設香案望

闕叩頭祇領訖臣容以愚陋庸材仰荷

聖恩從縣令微員不數年而拔至巡撫

恩遇不次臣身受

賞賚已越尋常前於雍正三年三月內由口北道調任

陝西糧道進京請

訓蒙

恩賞給臣祖母暨臣父母衣素緞四聯又於雍正五年

十一月內由陝西解任按察司陞授浙江布政司  
進京請

訓蒙

恩賜臣祖母二品

封典今又蒙

聖恩賞給臣父人參貂皮寧綢各種三世躬膺

曠典舉家咸沐

恩榮自顧何人恭逢

異數

天高地厚感戴靡涯臣謹隨臣父叩謝

天恩臣父不敢繕摺令臣代

奏伏念臣士正一介寒微向蒙

聖祖仁皇帝教育深恩幸列科名三任知縣寸長未效圖  
報心殷第以才具庸下未能上答涓埃惟諄諄訓  
飭臣之諸子全忠即以全孝報

君即以報親今臣子容仰荷

殊恩簡任封疆更蒙

推恩錫類榮及三代

恩遇之隆無以復加惟是甘肅巖疆正值軍需臣子容  
膺茲鉅任誠恐才識未逮疎忽多愆是以匍匐遠  
來朝夕誠勉務俾殫竭愚誠以勤以慎盡除一己  
之偏見凜遵

聖訓之精詳上以答

聖主知遇之

隆恩下以完小臣未畢之志願迺復蒙

天恩優渥

頒賜奇珍更

命臣子容留養署中公私兩盡跪讀

恩諭感激涕零惟率領闔家老幼恭祝

萬年天子所有感激微忱謹令臣子容敬謹繕摺代為

奏謝

天恩為此臣容謹

奏

覽奏謝知道了父母愛子之心無所不至但恐過愛則溺倘汝父偶有公中私之論又在汝自能揆本末度輕重也非朕愛汝之心不及汝父之切所慮者或汝父識見涉於淺近不知真愛之道耳此雖未必然之事朕既思及安得不為警覺提撕汝其審諸

同日又

奏為

奏明事竊照甘州涼州平涼三府打造糧車七千輛  
應裝糧石經大將軍臣岳鍾琪

奏明照內地運糧之例預先雇運肅州俟明春糧草  
到肅裝運出口現在陸續運送所有拉車牲口亦  
經大將軍派定用騾一萬三千頭馬一千匹其馬  
匹已於西安解到馬內照數挑留分發臨洮府屬  
餵養其騾頭除甘省採買並西藏官兵帶回原在  
甘屬分餵各騾外西安解到騾一萬一千四百餘

頭據平慶臨鞏四府接收各官報有病癘殘傷者  
經大將軍批令西安原餒官賠補嗣據西安司道  
詳稱起解之時俱係慎重挑選分起管押且程途  
不遠何至有如許病傷或係收餒各官希圖卸過  
朦混捏報而鞏昌布政使孔毓璞又以解到時派  
委知府等官眼同解官驗明分發各屬餒養其病  
傷之騾隨收隨報自應照大將軍批示著落賠補  
彼此不無袒護臣查此項騾頭俱係拴養日久若

原餽官各差的當家人小心同押自不至於傷損  
今西安另派官員督令營兵牽送沿途經理未周  
傷癘固所不免至甘屬收餽各官惟恐賠累是以  
於接收時凡有微癘微病者悉行報出亦不無過  
於苛求情弊臣隨分委西安驛傳道趙挺元平慶  
道趙泉楠分路確查實在不堪者令西安原餽官  
更換補解其原有微傷微病調治已愈者著接收  
官加意餽養總期持平辦理務使彼此帖服不致

誤公至於明歲糧車赴肅最關緊要必須多員管

押議派平慶道趙泉楠暨平涼府并帶州縣官二

員親押平涼所造之糧車并騾頭前往肅州又派

臨洮府鞏昌府各帶州縣官二員各將所屬餽養

騾頭管押甘涼即將甘涼所造之糧車管押肅州

又派寧朔中衛二縣押解寧夏府屬所餽駝隻赴

涼將應馱米麵會同涼州府并武威縣料理妥當

交護涼莊道寧夏府知府鈕廷彩催押赴肅又派

西寧府暨碾伯縣押解西寧府屬所餽駝隻赴甘  
將應馱米麵會同甘州府并張掖縣料理妥當交  
甘山道岳禮催運赴肅仍令各道府官員各帶餘  
騾八頭州縣官員各帶餘騾四頭再令饒養騾頭  
州縣各遣親信能事家人一同管解亦各帶餘騾  
四頭以備沿途偶有病乏隨時抵補每用一頭准  
將此奏已命鈔錄行知查覈納等稽查辦理矣  
給銀一十二兩在公用銀內報銷再布政使孔毓  
璞意欲親詣甘涼肅料理糧運出口但布政司係

錢糧總匯應辦事件甚多且正在銷算軍需不便  
耽延臣請於明歲二月間俟平涼府屬糧車過蘭  
時臣帶同派委之道府各員督押前往并甘涼寧  
西各府糧車駛隻一同催儻赴肅會同湖北撫臣  
馬會伯起發出口再回蘭州臣衙門日行事件可  
以沿途辦理所有

欽部案件暫時停止庶臣職稍盡臣心稍安伏祈  
皇上睿鑒俯允施行謹

奏

糧運出口事宜朕已專委孔毓璞赴肅料理地方緊要  
若無大員坐鎮如何其可汝但居中調度不必更為甘  
肅之行也

同日又

奏為恭繳

硃批事本年十一月十一日臣家人回蘭齋到

硃批奏摺臣叩接跪讀訖伏讀

殊批但慮科甲瞻顧之習不除友朋恩怨之情不脫耳  
臣敬誦之下不勝惶悚伏念臣出身寒微稟性迂拙蒙我

皇上特達之知不數年而拔至巡撫更且

推恩臣之祖母父母

恩德之隆非天不足以比高非地不足以喻厚身受如此

隆恩而猶不殫心竭力剖肝瀝膽以圖報稱豈惟

國法難逃即

天地鬼神亦斷不容其覲顏人世以污辱清寧也臣孤介  
性成久邀

聖鑒無論異姓朋友同年故舊不敢稍分恩怨即臣之  
伯叔兄弟亦不敢假公濟私惟其硜硜自守以致  
落落寡合仰賴

皇上聖明鑒臣一點愚誠是以

優容格外又慮臣之任性多偏復時加

化導望臣為不朽人物標名青史臣何人斯顧蒙我

皇上諄諄期望成全造就迺如此之至優至渥也臣之

志願非不欲法鄂爾泰田文鏡之居心行事公忠

體

非闕

才力所限乃於根本處未究明耳果肯置一身利

國惟是識見愚闇才力疎庸雖用已百已千之功時

害於

覺瞠乎其後嗣今惟有忠誠縱不能竝駕齊驅亦何

至瞠

乎其後中庸所載雖愚必明雖柔必強豈虛語哉

訓旨

更策駑駘務期努力效法以仰副

勉之

聖懷耳所有奉到

聖懷耳所有奉到

殊批奏摺理合恭繳為此謹

奏

果能言行相符朕復何慮

硃批諭旨卷二百十二上



總校官庶吉士臣侍朝

校對官編修臣馬啟泰

謄錄監生臣夏清和